

Šta je hraniteljstvo?

★ Hraniteljstvo je usluga socijalne zaštite, kojom se djeci i odraslim licima koja su privremeno ili trajno lišena roditeljskog, odnosno porodičnog staranja, omogućava zaštita u porodičnom okruženju. Hraniteljstvo pruža siguran dom u kojem svako dijete ima mogućnost da dobije odgovarajući odgoj, ljubav i obrazovanje.



HRANITELJSTVO JE

ZAŠTITA DJETETA IZVAN VLASTITE PORODICE
OSIGURAVAJUĆI PORODIČNI SMJEŠTAJ I
ZAŠTITU U HRANITELJSTKOJ PORODICI

KATEGORIJA HRANJENIKA:

- ▶ DJECA SA INVALIDITETOM
- ▶ ODGOJNO ZANEMARENO DIJETE
- ▶ DIJETE ŽRTVA PORODIČNOG NASILJA
- ▶ DIJETE ŽRTVA TRGOVINE LJUDIMA

HRANITELJSKA NAKNADU

DOBIVA HRANITELJ KAKO BI
MOGAO BRINUTI O DJETETU.

HRANITELJSTVO

HRANITELJ

JE OSOBA KOJA
PRUŽA USLUGU
ZAŠTITE HRANJENIKA.

HRANJENIK

MOŽE BITI DIJETE ILI MLAĐE
PUNOLJETNO DIJETE, A
NAJSTARIJE DO 26
GODINA STAROSTI.

hope and homes
for children



Ko može postati hranitelj?

Hranitelj može postati samac ili bračni/vanbračni par, a koji je/su

- Državljeni BiH, (izuzetak strani državljanin sa stalnim boravkom u FBiH, ako Stručni tim Kantonalnog centra za socijalni rad procijeni da je to u najboljem interesu hranjenika i ako na to da saglasnost Federalno ministarstva rada i socijalne politike)
- Punoljetan/ni
- Ima/ju prebivalište u FBiH
- Poslovno sposoban/i
- Zdravstveno sposoban/i
- Ima/ju najmanje SSS (izuzetak niži stepen obrazovanja, ako Stručni tim Kantonalnog centra za socijalni rad procijeni da je to u najboljem interesu hranjenika)
- izmirio/li poreske obaveze
- Ima/ju kompetencije za zaštitu, čuvanje, njegu, odgoj i zadovoljavanje drugih potreba djeteta/ odrasle osobe prema stručnoj procjeni Kantonalnog centra za socijalni rad
- Ima/ju stambene i materijalne uvjete za obavljanje hraniteljstva*

*Ostvaruju mjesečne prihode po članu domaćinstva u posljednja tri mjeseca u iznosu od najmanje 15% prosječne isplaćene neto plaće u Federaciji BiH, a hranitelj-samac 50% istog iznosa (prihodi se ne odnose na srodničke hraniteljske porodice)



Koje su prepreke hraniteljstva?

- Poremećeni bračni i porodični odnosi
- Kome je izrečena mjera porodično-pravne zaštite
- Koji je zaključio Ugovor o doživotnom izdržavanju s hranjenikom
- Kod koga je evidentirano društveno neprihvatljivo ponašanje
- Kod koga je evidentirana bolest ili je evidentirana bolest kod nekoga od njegovih članova porodice, uslijed koje bi moglo biti ugroženo zdravlje ili drugi interesi hranjenika
- Protiv kojeg/ih vodi krivični postupak ili mu/im je izrečena kazna zatvora pravomoćnom sudskom presudom, novčana kazna ili uslovna osuda za krivično djelo Kaznenog zakona Federacije BiH ili Kaznenog zakona BiH, ili je izrečena neka od zaštitnih mjera prema učiniocu nasilja u porodici (Kantonalni centar za socijalni rad po službenoj dužnosti prikuplja ove dokaze)
- Ukoliko hranitelj ima više od dvoje djece mlađe od 15 godina, izuzev ako se radi o srodničkoj hraniteljskoj porodici
- Dobna razlika između hranitelja i hranjenika ne može biti manja od 25 i veća od 50 godina života (izuzetno razlika može biti manja ili veća ukoliko Stručni tim procijeni da je to u najboljem interesu djeteta)
- Hranitelj ne može biti osoba mlađa od 25 i starija od 65 godina života (izuzev kod srodničkog hraniteljstva ili ako Stručni tim Centra prosijeni da je to u najboljem interesu hranjenika)



Kako postati hranitelj?

- Svako lice koje želi biti hranitelj podnosi prijavu na obrascu, propisanom od strane Federalnog ministra rada i socijalne politike. Obrazac je dostupan u prostorijama Kantonalnog centra za socijalni rad, u Službama socijalne zaštite i Federalnom ministarstvu rada i socijalne politike,
- Nakon podnesenog zahtjeva Stručni tim Kantonalnog centra za socijalni rad, vrši stručnu procjenu podobnosti za obavljanje hraniteljstva,
- Potencijalni hranitelj/i se uključuju u edukaciju hranitelja (kojoj obavezno prisustvuje bračni ili vanbračni partner, ukoliko zahtjev ne podnosi samac),
- Nakon stručne procjene, edukacije i kompletiranja potrebne dokumentacije donosi se rješenje o ispunjavanju uslova, odnosno podobnosti za obavljanje hraniteljstva,
- Podaci o hraniteljima se unose u registar hranitelja
- Prije smještaja djeteta u hraniteljsku porodicu Kantonalni centar za socijalni rad pribavlja saglasnost Ministarstva za socijalnu politiku, zdravstvo, raseljena lica i izbjeglice u pogledu naknade za rad hranitelja i naknade za izdržavanje hranjenika, nakon čega se hranjenik smješta u hraniteljsku porodicu.



Hraniteljstvo nije usvojenje!

Usvojenje je trajni smještaj djeteta, gdje se raskidaju veze sa biološkom porodicom, te se zasniva roditeljski, odnosno srodnički odnos. Nema naknade za staranje o djetetu.

Hraniteljstvo je privremeni smještaj, gdje se ne raskidaju veze sa biološkom porodicom. Postoji naknada za hranitelja kao i naknada za hranjenika. Dijete ostaje privremeno u hraniteljskoj porodici, a najkasnije dok je na redovnom školovanju. Dijete koje je smješteno u hraniteljsku porodicu ima pravo na kontaktiranje i viđanje biološke porodice. Hranitelj može biti lice od 25 do 65 godina starosti.



Fotografija djeteta koje ne želi pustiti ruku svoje hraniteljice čak ni za vrijeme sna. Hraniteljica leži na podu pored krevetića kako bi djetetu pružila podršku, ljubav i sigurnost.

Izvor: <https://www.facebook.com/hhcbih>

TRAJNI OBLIK
ZBRINJAVANJA DJETETA
BEZ RODITELJSKOG
STARANJA

DIJETE POSTAJE
ČLAN PORODICE U
KOJOJ JE
USVOJENO

STVARA SE VEZA
IDENTIČNA VEZAMA
IZMEĐU BIOLOŠKIH
RODITELJA I DJECE



PRIVREMENI OBLIK ZBRINJAVANJA DJECE KOJI
MOŽE TRAJATI DO IZNALAŽENJA POVOLJNIJEG
OBLIKA BRIGE ZA DIJETE (POVRATKA U BIOLOŠKU
PORODICU ILI USVOJENJE) ILI DO

hope and homes
for children



Vrste hraniteljstva prema potrebi hranjenika

- 1 Tradicionalno hraniteljstvo:** za djecu koja nemaju odstupanja i smetnji u razvoju
- 2 Specijalizovano hraniteljstvo:** za djecu koja imaju odstupanja i smetnji u psihofizičkom razvoju
- 3 Hitno hraniteljstvo:** za djecu kojima se radi njegove sigurnosti, zaštite ili drugih životnih potreba mora hitno osigurati privremeni smještaj u hraniteljsku porodicu do prestanka rizične, odnosno nepovoljne situacije i stvaranja uslova za njegov povratak u vlastitu porodicu ili do osiguravanja drugih oblika zaštite.
- 4 Povremeno hraniteljstvo:** za djecu koja su u procesu pripreme za stalni smještaj i prilagođavanje na porodični način života. Najduže 3 mjeseca u neprekidnom trajanju.

**Ne možemo biti njihovi roditelji,
ali možemo porodica!**

Postoji **srodničko** i **nesrodničko** hraniteljstvo. Drugim riječima: i srodnici mogu u nekim situacijama prihvatiti dijete u svoju porodicu, kada prilike za dijete u njegovoj biološkoj porodici nisu pogodne za sretan razvoj.




Podrška i obaveze hranitelja



Kako bi hraniteljske porodice ojačale svoje kapacitete i bile u mogućnosti da o djetetu brinu na najbolji mogući način, potrebno im je obezbijediti podršku. JU Centar za socijalni rad BPK-a Goražde kroz savjetodavni rad pruža podršku hraniteljskoj porodici i djetetu. Ova podrška obuhvata savjetodavni rad sa hraniteljskom porodicom i djetetom, kontinuiranu obuku prije, tokom i nakon smještaja djeteta u novu porodicu, podršku u rješavanju problema (pomoć u odgoju djeteta, sticanju životnih vještina, školovanje, osmišljavanje dnevnih aktivnosti za dijete, upravljanje budžetom), kao i materijalnu podršku u skladu sa Zakonom o hraniteljstvu FBiH.*



Hranitelji su odgovorni za brigu o zdravlju, bezbjednosti, razvoju i obrazovanju djeteta, kao i za pružanje podrške djetetu u sticanju vještina neophodnih za uspješan samostalni život i rad. Identitet djeteta i odnos sa njegovom biološkom porodicom mora se njegovati i očuvati dok je dijete na hraniteljstvu.





Zašto postati hranitelj?



ZAHVALJUJUĆI VAMA, PRUŽAMO MOGUĆNOST JEDNOM DJETETU KOJEM JE USKRAĆENA PORODIČNA BRIGA DA ŽIVI U TOPLOM I SIGURNOM PORODIČNOM OKRUŽENJU, TE RASTE ZDRAVIJE I SRETNIJE.

UZ VAŠU LJUBAV, STRPLJENJE I PODRŠKU, MAKAR JEDNO DIJETE ĆE DOBITI ŠANSU DA IMA JEDNAKE MOGUĆNOSTI I RAZVIJA SE KAO DRUGA DJECA.

VI ĆETE OPLEMENITI SVOJ I ŽIVOT SVOJE PORODICE, UČINITI HUMANO DJELO I STEĆI VRIJEDNO PRIJATELJSTVO DJETETA I PORODICE KOJIMA JE VAŠA PODRŠKA NEOPHODNA I DRAGOCJENA.

Hraniteljstvo je privilegija posebnih ljudi, koji su spremni da vole bezuslovno.





Prvih 5 razloga zašto želite biti hranitelj

1. Stalo vam je do djece i želite im pomoći.
2. Ljubazni ste i puni ljubavi, ali možete biti čvrsti kada je to potrebno.
3. Mislite da ste dobro odradili posao kao roditelj i da znate raditi s djecom. Voljela biste upotrijebiti svoje vještine da pomognete drugoj djeci.
4. Nemate svoje djece. Budući da ste hranitelj, možete dijeliti svoj dom i posvetiti svoje vrijeme i pažnju vrijednom cilju.
5. Kao hranitelj shvaćate da je vas posao učiniti da se dijete osjeća ugodno i prihvaćeno u vašem domu. Znae da jednog dana dijete može otići i to je u redu.

